

खबरां

- 1 लोकसभा चुनावं दे कल होने आले 7-में ते अखीरी मरहले लेई सब्बै कारवाइयां मुकम्मल ना।
2. आयकर विभाग नै लोकसभा चुनावं दरान रिकार्ड 1100 करोड़ रुपें दी नगदी जब्त कीती ऐ।
- 3 प्रधानमंत्री नरेंद्र मोदी होरें चक्रवाती तूफान रेमल करी असम, मणिपुर, मेघालय, मिजोरम, त्रिपुरा ते पच्छिम बंगाल च कुदरती क्रोपिएं पर डूंगी चैंता प्रगट कीती ऐ।
- 4 केंद्री स्वास्थ्य सचिव अपूर्वा चंद्रा होरें जोर देइयै आखेआ जे तम्बाकू, सार्वजनिक सेहत लेई इक बड्डा खतरा पैदा करदा ऐ ते भारत च तम्बाकू कन्नै जुडी दिएं बमारिएं करी हर बरे 13 लख मौतां हुंदियां ना।
- 5 भारत दा सकल घरेलू उत्पाद यानि जीडीपी दा माली बरे 2023-24 च वृद्धि दर 8 इशारिया 2 फीसद रौहने दा अनुमान लाया गेआ ऐ जेहडी एहदे मकाबले च माली बरे 2022-23 च 7 फीसद दर्ज कीती गेई ही।

<><><><><><>

### LS-Electio 7<sup>th</sup> Phase

लोकसभा चुनावं दे 7में ते खीरले गेइ तैहत कल वोट पाए जाडना सत्तें राज्यें ते इक केंद्र शासित प्रदेश दी 57 लोकसभा सीटें लेई कल मतदान होग। इस गेइ च उत्तर प्रदेश ते पंजाब दी 13-13 सीटें, पच्छिम बंगाल दी 9, बिहार दी 8, ओडिशा दी 6, हिमाचल प्रदेश दी 4, झारखंड दी 3 ते चंडीगढ़ दी इक सीट पर वोट पाए जाडना। एहदे अलावा ओडिशा राज्य विधानसभा दे 42एं विधानसभा खेत्तरें लेई चुनां इक्के समें च होग। मतदान बड्डलै 7 बजे शुरू होई जाग। मतदान प्रक्रिया गी बवस्था आहले ढंगै सिर ते रमानदारी कनै करोआने लेई चुनां आयोग आस्सेआ सब्बै इंतजाम कीते गेदे ना। चुनां अफसरें गी हिदायतां दित्तियां गेइयां न जे ओहू इस गर्मी कन्नै पैदा होने आहली चुनौतियें गी घट्ट करने ते मतदाताएं दी सेहत ते भलाई-बेहतरी आस्तै सब्बै लोडचदे इंतजाम करना। मतदान दी प्रक्रिया लेई रमानदारी कन्नै करोआने लेई 10 लख 90 जहार चुनां अधिकारी तैनात कीते गे ना। 10 करोड़ 60 लख मतदाता कल मेदवारें दी किस्मत दा फैसला करडना। तकरीबन 201 अंतरराष्ट्री बाडर चैक पोस्टां ते 906 अंतर राज्य सरहदी चैक पोस्टें आस्सेया गैर कनूनी कम्में, नकदी पैहें, नशे ते शराब जनेही तस्करी पर सखत तक्क रक्खी जा रदी ऐ। इस गेइ च बीजेपी दे सीनियर लीडर ते प्रधानमंत्री नरेंद्र मोदी समेत अनुराग सिंह ठाकुर, रवि शंकर प्रसाद, कांग्रेस दे नेता मनीष तिवारी ते विक्रमादित्य सिंह, राश्ट्रीय जनता दल दी मिसा भारतीय ते तृणमूल कांग्रेस दे नेता अभिषेक बनर्जी हुंदे राजनीतिक भविक्ख दा फैसला कल ई.वी.एम च बंद होई जाग।

<><><><><><>

### Udhampur Votes Counting

उधमपुर-कठुआ पार्लिमानी हल्के लेई पाए गेदे वोटें दी गिनतरी आले कम्में आस्तै चुनां प्रशासन नै लोडचदे सारे इंतजाम कीते ना। आकाशवाणी जम्मू संवाददाता दी रिपोर्ट मूजब उधमपुर पार्लिमानी हल्के लेई कुल 12 मेदवार चुनां मैदान च हें वोटें दी गिनतरी आला कम्म सरकारी डिग्री कोलज कठुआ च होग। एहदे लेई सुरक्षा दे बहु-स्तरीय इंतजाम कीते गेदे न ते प्रक्रिया पूरी चाल्ली आजाद ते निरपक्ख ढंगै सिर जकीनी बनाने लेई सीसीटीवी कैमरें बी लाए गेदे ना। कठुआ, उधमपुर, डोडा, रामबन ते किशतवाड़ दी 18 विधान सभा सीटें फैली दी इस संसदीय सीट पर पाए गेदे वोटें दी गिनतरी तैहू थाह पर गै होग। इलैक्ट्रानिकली-ट्रान्समिटिड पोस्टल बैलेट सिस्टम ईटीपीबीएस राएं पाए गेदे वोटें दी गिनतरी लेई हाल रखे गेदे ना। कुल 225 टेबल लाए गेदे न ते हर इक मेज पर त्रै लोक वोटें दी गिनतरी

लेई लागे न। ईटीपीबीएस वोटें दी गिनतरी लेई 60 मेज लागे न। मेजें दी निगरानी मतदाता अजेंट, माईक्रो ओबसर्वर, सुपरवाइजर, असिस्टेंट रिटर्निंग अफसर करगंन। ईवीएम स्ट्रॉंग रूम दी सीसीटीवी निगरानी कीती जा'रदी ऐ। मीडिया केन्द्र बी कायम कीता गेआ ऐ। एलईडी स्क्रीन लाइयां गेदियां न तां जे जानकारी थोंदी रवै।

<><><><><><>

### IT-Election

औंदे टैक्स मैहकमे नै लोकसभा चुनावें दौरान 1100 करोड़ रुपें नकदी ते गैहने जब्त कीते न। सरकारी सूत्रें मुजब 2019 दे आम चुनावें दौरान जब्त कीते गेदे 390 करोड़ रुपें दी तुलना च एह 182 प्रतिशत बढ ऐ।

<><><><><><>

### PM-Disaster

प्रधानमंत्री नरेंद्र मोदी होरें चक्रवाती तूफान रेमल दे मगरा असम, मणिपुर, मेघालय, मिजोरम, त्रिपुरा ते पच्छिम बंगाल च कुदरती आपदाएं पर चैंता बुज्जी ऐ। अज्ज इक सोशल मीडिया पोस्ट च श्री मोदी होरें आखेआ जे उंदे विचार ते दुआएं उनें सारे लोकें कन्नै न जेडे उत्थे प्रभावित होए दे न। प्रधानमंत्री होरें आखेआ जे उनें मौजूदा हालात दा जायजा लैता ते केंद्र सरकार नै राज्यें गी हर चाल्ली दे सर्मिन दा भरोसा दिता ऐ।

<><><><><><>

### Manipur-Flast Flood

मणिपुर च बरोबर हाड आहले हालात बने दे न ते हाड करी इम्फाल शहर बुरी चाल्ली नै प्रभावित होआ ऐ। बक्ख-बक्ख हाड सरबंधी घटनाएं च अजें तगर त्रै लोकें दी जान गेई ऐ ते इक जना लापता ऐ। केंद्रीय बल ते सेना राहत ते बचा कम्में च लागे दे न ते हाड थमां प्रभावित परौआर राहत शिविरें च आसरमा लै रदे न। राज्य जल संसाधन मंत्री होरें आखेआ जे 1 लक्ख 88 जहार थमां मते लोक मणिपुर च हाड करी प्रभावित होए न। इम्फाल च झिगडे इलाकें ते उत्थे मुख् शिडका पानी च डुब्बी दियां न। सरकारै हाड प्रभावित परौआरें लेई 56० राहत कैंप खोले न ते उत्थे उनेंगी जरूरी समेयान मुहैया करवाया जा रदा ऐ। मुख्मंत्री एन.बीरेन सिंह होरें जंदी रातीं मंत्री ते आला अधिकारिणें कन्नै इक जायजा बैठक कीती ते हाड दी स्थिति पर चर्चा कीती। मुख्मंत्री होरें इम्फाल शैहरै च जारी बचाव अभियान दा बी मुआयना कीता।

<><><><><><>

### Aporva-Chandra

केंद्री सेहत सचिव अपूर्वा चंद्रा होरें जोर देइयै आखेआ ऐ जे तम्बाकू सार्वजनिक सेहत लेई इक बड्डा खतरा पैदा करदा ऐ। अज्ज नमीं दिल्ली च तम्बाकू दी रोकथाम सरबंधी कुल संसारी ध्याडे दे मौके पर श्री चंद्रा होरें दस्सेया जे भारत च तम्बाकू सरबंधी बमारिणें करी हर बरे 13 लक्ख मौतां हुंदिआं न। उनें गलाया जे सरकार तम्बाकू दे इस्तेमाल कन्नै जुडे दे बक्ख-बक्ख मसलें दे नबेडे लेई लगातार कार्रवाई ते हीले करै करदी ऐ।

<><><><><><>

### Chennai-PM Vivekanand

बीजेपी दे वरिष्ठ नेता ते प्रधानमंत्री नरेंद्र मोदी हुंदे स्वामी विवेकानंद स्मारक पर 45 घैंटे लम्में ध्यान दा अज्ज दुआ ध्याडा ऐ। श्री मोदी कल कन्याकुमारी पुज्जे हे ते उनें उत्थे भगवती अम्मन मंदरै च पूजा कीती। प्रधानमंत्री होर जेहडे मंडप च ध्यान ला करदे न उत्थे 1892 च स्वामी विवेकानंद होरें ध्यान लाया हा। मोदी होरें उत्थे सूर्य अर्ग अनुष्ठान बी कीता। कन्याकुमारी भारत दे दक्खन च सब्बनें शा अखीरला राज्य ऐ ते उत्थे बंगाल दी खाड़ी, अरब सागर ते हिंद महासागर मिलदे न। श्री मोदी होरें 33 बरे पैहले 11 दिसंबर 1991 गी इसै कन्याकुमारी थमां कश्मीर तगर एकता जात्तरा कड्डी ही।

<><><><><><>

## Amit-Shah

केंद्री गृह मंत्री अमित शाह होरें अज्ज अपने परौआर कन्नै तिरूमाला मंदरै दा दौरा कीता। तिरूमाला तिरूपति देवस्थानम दे मुख्ब कार्जकारी अधिकारी धर्मा रेड्डी, मुख्ब पुजारी ते होर अधिकारिणं श्री शाह हुंदा सौआगत कीता। एह्दे मगरा उनें श्री वेंकटेश्वर दे विशेष वीआईपी दर्शन लेई उनेंगी लेता गेआ। श्री अमित शाह हारें गी रंगनायाकूला मंडपम च वैदिक विद्वानें आस्सेआ वेदासिरवचनम वी प्रदान कीता गेआ।

<><><><><><>

## IMD-Heat Wave

देसै दा उत्तर पच्छमी हिस्सा अजें वी बडी जबरदस्त गर्मी दी मार झल्ला करदा ऐ। उआं तापमान च 1 शा 2 डिग्री सैल्यिस दी कमी जरूर दर्ज कीती गेई ऐ। आकाशवाणी खबरें कन्नै चेचे तौर पर गल्ल करदे होई भारती मौसम विभाग दे वैज्ञानिक डाक्टर आर.के जेनामनी होरें गलाया ऐ जे तापमान च बिंद हारी कमी दे बावजूद वी पंजाब, हरियाणा, राजस्थान, उत्तर प्रदेश, बिहार, छत्तीसगढ ते ओडिशा दे हिस्सें च जबरदस्त गर्मी आले हालात बरोबर बने दे रौहडन।

<><><><><><>

## GDP

भारत दी असल सकल घरेलू उत्पाद यानि जीडीपी दी वृद्धि दर माली बरे 2023-24 च 8 इशारिया 2 फीसद बने रौहने दा अनुमान ऐ जेह्द माली बरे 2022-23 च 7 फीसद दर्ज कीती गेदी ऐ। सांख्यिकी ते प्रोग्राम लागू करने सरबन्धी मंत्रालय मुजब असल जीडीपी जा जीडीपी स्थिर कीमतें पर बरे 2023-24 च 173 लक्ख करोड रपे शा ममते दा स्तर हासल करने दा अनुमान ऐ।

<><><><><><>